

欽定字惠全書

孚惠全書卷五十九

蠲除積逋三

乾隆二十年六月十二日奉

上諭喀爾吉善等奏諸羅縣民陳天松等應追罰
粟及折價等項事宜自康熙五十一年起閱今數
十年除已經完過外其未完粟米銀兩戶名半已
無人實屬力難完繳等語陳天松等係海外窮黎
墾荒追罰與抗欠額賦不同且歷年久遠上年臺
屬又被災傷情殊可憫所有未完罰粟及折價銀
兩著加恩惠予豁免該部即遵諭行

乾隆二十一年正月初三日奉

上諭據署黑龍江將軍綽爾多奏齊齊哈爾黑龍

江墨爾根湖蘭等處八旗水師營驛站官莊人等
各年未完糧石並本年借給口糧共十五萬五千
餘石請分年完交等語齊齊哈爾等處連年被災
歉收兵力自多拮据兼之調派隨征甚為出力朕
心深切軫念著將齊齊哈爾黑龍江墨爾根湖蘭
等處節年未完借欠糧石並本年借給口糧十五
萬五千餘石俱加恩免其完納以示優恤該部即
遵諭行

乾隆二十二年正月初二日奉

上諭今春朕奉

皇太后鑾輿載臨江浙問俗省方行慶施惠而東
南黎庶望幸情殷茲當翠華發軔之初宜沛渥恩

用昭盛典乾隆十六年肇舉南巡曾頒恩諭將江蘇安徽十三年以前積欠地丁悉行蠲豁浙省因無積欠特免應徵地丁三十萬兩以示鼓勵亦欲使愷澤覃敷官無罣誤民免追呼共享昇平之福乃邇年來江浙間被偏災其積欠未完之數又復不少雖維正之供歲有常經不宜任其逋欠然天時之不齊亦非盡小民之過也該二省去歲秋成豐稔糧價平賤據地方大吏陳奏並清問所及民物康阜井里恬熙朕心實為欣慰但閭閻蓋藏時厯宵旰若令新舊並輸於民力未免拮据著將江蘇安徽浙江乾隆二十一年以前積欠未完地丁銀兩槩予蠲免該督撫等其嚴飭所屬實力奉行

毋令胥吏侵蝕中飽務俾恩膏普逮實惠均霑稱
朕懷保黎元至意該部即遵諭行

御製正月二日降旨免江浙積欠詩以喻志丁
始和布寬大頻年率例行茲當巡東南酌彼望幸
情辛未縱蠲豁寒暑六歲更况復屢遭歉溝壑哀
鴻嗚賑調救一時賦稅有常程災重乃蠲租其輕
則緩徵積少因成多數累巨萬盈催逋民奚堪是
宜一免清長吏詎敢拙閭閻寧留贏指日澤國臨
吾將省春耕

十四日奉

上諭直隸天津府屬各州縣應徵錢糧遞年帶緩
積欠稍多近因連歲豐稔百姓爭先完納現在尚

有滄州未完地糧八千餘兩靜海滄州南皮未完
米穀豆三千餘石麥折銀三十餘兩又靜海滄州
未完入官地租銀一千五百餘兩皆係貧乏小戶
零星積欠若仍新舊並輸於閭閻生計未免拮据
著加恩概予豁免該督方觀承其轉飭各該州縣
務宜實力奉行毋令胥吏侵蝕中飽

御製命免天津府所屬積欠詩以示直隸總督方

觀承

丁丑

去歲秋告登編氓鮮逋賦今春駕南巡免三逮經
路南巡經過直隸州縣今津門近海濱下涇多沮

歲應徵正供免十之三

如積欠非一朝致然豈無故與民樂休息保赤吾

衷懷新恩所不及曲體惟要務帑則免其徵糧亦

豁其輸閭閻留有餘是豈非藏富叶長官善推行
莫容胥吏蠹

二月初三日奉

上諭朕清蹕時巡勤求民隱而兩淮竈戶僻處海
濱生計勞苦尤堪軫卹所有乾隆十七十八十九
等年停緩帶徵竈欠未完折價銀三萬八千餘兩
著加恩一體豁免以普惠澤

初五日奉

上諭從前恩詔內令將各省年欠民欠錢糧查明
豁免而積欠漕項該部未經查奏今朕巡幸所至
清問閭閻其在江北一帶則俱由積歉停緩江南
各屬又悉皆積年尾欠并合時零若仍按年帶徵

於貧黎生計愈滋拮据其將江北路省乾隆十年以前積欠漕項銀米以及地漕耗羨俱著加恩一體豁免以慰軫卹民瘼至意

三月初一日奉

上諭江浙二省積欠地丁銀兩前已有旨豁免而浙省所免獨少足見黎庶素屬急公今巡省蒞止因命悉查各項則尚有十八十九二十等年各屬未完緩徵及蠲剩漕項銀十八萬九千餘兩二十年分杭嘉湖紹四府屬縣場未完借欠籽本銀三萬七千八百餘兩十八二十年分各衛所未完屯餉六千四百餘兩並海寧縣未完沙地公租銀三千餘兩著加恩概行豁免該督撫等其董率屬員

實力奉行毋令胥役里長侵蝕中飽副朕曲體惠
鮮之意

四月初四日奉

上諭江南淮徐海等屬受水患有年矣朕翠華南
蒞周覽土風所過桃源宿遷邳州睢寧諸州縣鵲
衣鵲面相望于道而徐屬較甚朕心為之惻然增
戚國家所恃以拯患卹災者惟賑濟一事况在徐
屬七州縣已降旨加賑展期可至五月並截留本
處漕糧以資借糶所以為斯民計者不遺餘力而
目擊情形於心實有所不忍所見者如此未見者
亦復可知著再加恩將淮徐海三屬各州縣所有
積年借欠籽種口糧不分新舊概予豁免以紓病

瘼一體之念惟是恩澤所施非得賢守令實力奉行無由下究況在積歉之區尤資良牧必得慈祥公正實心任事之人以父母斯民為己責竭力區畫經營撫循培養庶幾日有起色若任其因循關冗漠不關情假手胥吏視為故事年復一年積疲重困即使厚費帑金蒼生何能免溝壑流離之慘是以此方州縣視他處更重該督撫當慎加遴選務得有猷有為惻怛愛民者以膺斯任仍時時留心體察有暇即親往諮詢使窮鄉僻壤民隱畢達守令賢否自不能掩惟期於地方有益該督撫其善體朕懷毋僅以簿書期會為課吏先務也其數府現任守令各官著該督撫各出考語具摺奏聞

或有如所諭賢明之吏宜留者或有不能勝此而
可以調他處事簡者其悉心詳酌一二年後朕將
親臨考察若仍入其疆而田野不治則非守令之
罪將督撫是問矣著將此通行曉諭知之

十七日奉

上諭山東濟寧等州縣上年被水邨莊已屢次加
恩賑恤並特命大臣開濬荆山橋河道以資宣洩
今省方所至清問彌切各該州縣春季涸出地畝
僅及其半尚可乘時補種而現未消涸者尚多即
甫經涸出之地尚泥濘難以犁種朕心深為軫念
著將濟寧魚臺金鄉滕嶧五州縣積年民欠地丁
錢糧七萬五千餘兩常平倉穀三萬九千餘石借

欠籽種麥本四千九百餘兩加恩概予豁免該撫等其董率屬員妥協經理務令實惠均霑毋飽胥吏侵蝕以副朕加恤窮黎之至意

御製降旨免濟寧魚臺等五州縣積欠詩以紀事

丁丑

齊南五州縣去歲秋霖傷荆山不能洩率因河為殃春巡始知然督課疏濬忙茲來問涸土一半繞播秧其餘尚沮洳安可冀秋糧無收則賦艱災黎焉能償亟應籌撫卹詎可言出疆是日已加賑至過德州夏五更無施惠方廉知負逋賦其數十萬強概與豁徵輸閭閻俾樂康羣赤庶少蘇努力西成望

十九日奉

上諭河南夏邑商邱虞城永城等四縣被災情形
經朕遣人密查得實深為憫惻業命山東巡撫鶴
年由荆山橋就近往豫經理至本年應徵新舊錢
糧現據該撫題請分別緩至麥收秋收後徵納但
念該四邑連年積歉困敝已久若勉効輸將仍恐
生計拮据所有夏邑商邱虞城永城等四縣歷年
舊欠錢糧銀穀著一併加恩槩予豁免該護撫於
查賬時一面通行曉諭一面查明實數繕摺奏聞
用副朕軫念災黎勤求民瘼之至意該部即遵諭
行

御製免河南夏邑等四縣積欠隳括其事成詩
巡省匪遊觀民瘼咨處處春月往南時舊臣畢觀

御家屏彭實豫人問以稼穡故奏稱數載勞竭賑

皆未遇是時彼方伯

圖爾炳阿

迎鑾正隨路同宣近前

席詳告聽莫誤州縣或欺爾爾莫欺黎庶黎庶且

勿欺當前可過護挈彼往細勘改過要應速

叶罪

汝亦豈難而予更有慮鄉紳汝治下聽彼罪汝遽

此風頗有關所以姑寬恕隔月撫臣報履畝親相

度

叶

米貴則誠然蓋緣賑糶去只可言借貸未可

言賑務聞之為悚然誠未解吾懷特命賑一月稍

款溝壑赴回鑾至彭城乃有道旁訴謂鮮受實惠

至今困沮如因思可使由聖語有精趣加賑反告

災毋乃希恩屢復付頗有人一往其過怙

叶是亦

不難辨彭城多瘠苦

叶

隨來諸部員其狀盡親覩

叶遴往四縣察與徐同異著旬日觀保迴

即遴往
部員

也備言民痛勵與徐頗無二而苦無恩佈吁嘻有
是哉是不宜再顧方伯及方面爾皆為民牧叶我
無靳惠心而胡諱災固罷斥示重懲更簡賢才付
年來愛民意寧有未盡喻猶然殃我民咄哉益知
懼

八月十四日奉

上諭善福奏雨淮鹽場於七月初三等日偶被風
雨埤場淹清等語淮海二屬各場連年被水今秋
又復淹漬雖現經照例借資撫卹不致失所但被
浸埤場車庠需時有妨煎曬竈丁未免拮据著加
恩將兩淮竈戶積年因災借欠口糧籽種等項未

完銀兩概行豁免以示賑卹窮丁至意

乾隆二十三年六月十七日奉

上諭陝西延安府屬八州縣地處沿邊土瘠民貧而積年被災糧價昂貴所有歷年借欠牛具倉穀等項若仍照例新舊並徵邊民生計愈滋拮据朕心深為軫念所有榆林府屬之榆林葭州懷遠神木府谷延安府屬之靖邊定邊及宜君等八州縣乾隆十八年至二十一年積欠常平倉及二十一年借支牛具折還穀石共一十八萬二千二百餘石俱著加恩豁免其乾隆二十二三兩年借欠及自十三年以後積欠社穀並二十一年緩徵兵米二十三年春借牛具折還穀石共二十七萬三千

餘石俱緩至明歲秋成起分作五年帶徵還倉以紓民力至榆林延安綏德三府州屬雨澤愆期麥收歉薄閭閻口食恐不足以資接濟所有一切撫卹事宜該督撫等務即速為妥協經理毋致失所以副朕念切痼瘼之意該部遵諭速行

七月初四日奉

上諭甘省歷年正供及雜項錢糧並乾隆二十四年地丁額賦屢經降旨加恩豁免其正賦之外隨徵耗羨係留支地方公費之需例不免徵但念甘省地處邊陲土瘠民貧正供既已蠲除而歷年積欠耗羨尚須照數完納小民輸將仍不免拮据著再加恩將甘省自乾隆元年至二十二年民欠耗